



UPRAVA POLICIJE

Broj: 05-04/06-11- 138/26/AD
Datum: 21.01.2026. godine

Na osnovu člana 70. Zakona o organizaciji uprave u Federaciji Bosne i Hercegovine („Službene novine F BiH“, br. 35/05), člana 26. i člana 27. Zakona o unutrašnjim poslovima Unsko-sanskog kantona („Službeni glasnik USK - a“, broj: 13/16, 16/17 i 8/24), a u vezi sa članom 10c. stav (5), članom 18. stav (2) te članom 36. Zakona o javnim nabavkama BiH („Sl. glasnik BiH“, broj: 39/14, 59/22 i 50/24), zamjenik direktora Uprave policije MUP USK-a **d o n o s i**:

ODLUKU

o izuzeću od primjene Zakona o javnim nabavkama

Član 1.

Od primjene Zakona o javnim nabavkama BiH izuzimaju se nabavke usluga objavljivanja obavještenja vezanih za postupke javnih nabavki kao i nabavka usluga objave nevažećih isprava (saobraćajne dozvole, lične karte i sl.) u Službenom glasniku BiH za potrebe ugovornog organa Uprava policije MUP USK-a u toku 2026. godine.

Procijenjena vrijednost predmetne nabavke iznosi do 6.000,00 KM bez PDV-a.

Član 2.

Sva obavještenja o nabavci, o dodjeli ugovora, o poništenju postupka javne nabavke, dobrovoljno ex ante obavještenje o transparentnosti i prethodno informaciono obavještenje, kao i sažetak obavještenja o nabavci na engleskom jeziku, Ugovorni organ objavljuje na portalu javnih nabavki u skladu sa članom 36. Zakona o javnim nabavkama BiH („Sl. glasnik BiH“, broj: 39/14, 59/22 i 50/24).

Sažetak svih obavještenja objavljuje se u "Službenom glasniku BiH".

Obavještenja iz prethodnog stava ovog člana pripremaju se i šalju na objavljivanje elektronski, u formi, na način i u rokovima definisanim podzakonskim aktom, koji donosi Agencija za javne nabavke BiH.

Član 3.

Sredstva za nabavku usluga iz člana 1. ove Odluke osiguravaju se u Budžetu Uprave policije MUP USK-a za 2026. godinu.

Član 4.

Ova odluka stupa na snagu danom donošenja i bit će objavljena na službenoj internet stranici Ministarstva unutrašnjih poslova Unsko-sanskog kantona: www.mupusk.gov.ba.

O b r a z l o ž e n j e

Odredbama Zakona o službenom glasilu Bosne i Hercegovine („Službeni glasnik BiH“, broj: 1/97, 9/04, 103/09 i 100/13) i Zakona o Službenim novinama Federacije BiH („Službene novine FBiH“, broj: 1/94), propisano je da se zakoni, podzakonski akti, statuti, rješenja i drugi akti koji su od javnog interesa ili su od interesa za poduzeća, ustanove, druge organizacije i građane objavljuju u „Službenom glasniku BiH“ i „Službenim novinama FBiH“, zavisno od nivoa vlasti na kojem je akt donesen i teritorije na koju se odnosi. Istim propisima regulisano je i da se u glasnicima/novinama objavljuju i oni akti organa i institucija za koje je zakonima utvrđena obaveza objavljivanja istih u službenim glasnicima. Takođe, zakonski je tačno utvrđeno šta se u kojem službenom glasniku i

novinama objavljuje i JP NIO „Službeni list BiH“ Sarajevo ima zakonski monopol, štampanja i distribucije glasila. Za predmet javne nabavke naveden u članu 1. ove Odluke, tržište za vršenje navedenih usluga nije otvoreno za konkurenciju i navedeni predmet javne nabavke može se nabaviti samo od dobavljača JP NIO „Službeni list BiH“ Sarajevo – objavljivanje obavještenja u Službenom glasniku, a koji je izdavač „Službenog glasnika BiH“, a u skladu sa Upustom o uslovima i načinu obavljanja obavještenja i dostavljanja izvještaja o postupcima javnih nabavki na portalu javnih nabavki („Službeni glasnik BiH“, br. 80/22). Saradnja između ovih organa se ostvaruje s ciljem osiguravanja javne usluge, kojom se ostvaruju zajednički ciljevi, te transparentnosti kao općeg principa Zakona o javnim nabavkama. Cijene predmetnih usluga su propisane i objavljene na portalu Službenog lista i kao takve su obavezujuće. U skladu sa napred navedenim ispunjeni su uslovi za izuzeće od primjene Zakona o javnim nabavkama BiH („Službeni glasnik BiH“, broj: 39/14, 59/22 i 50/24) u skladu sa članom 10c. stav (5).

Takođe, odredbom člana 36. Zakona o javnim nabavkama BiH, između ostalog, propisano je da sva obavještenja o nabavci, o dodjeli ugovora, o poništenju postupka javne nabavke, dobrovoljno ex ante obavještenje o transparentnosti i prethodno informaciono obavještenje, kao i sažetak obavještenja o nabavci na engleskom jeziku, ugovorni organ objavljuje na portalu javnih nabavki. Sažetak svih obavještenja objavljuje se u "Službenom glasniku BiH". JP NIO Službeni list BiH obavezan je da najmanje 15% prihoda koje ostvari od naknada za objavu obavještenja u toku godine uloži u istraživanje i razvoj, te unapređenje sistema javnih nabavki.

Dostavljeno:

1. Sektor za finansijsko-računovodstvene i analitičke poslove MUP USK-a
2. Sektor za materijalno-finansijske poslove i IKT - za objavu
3. a/a

